

02.06.2026

FM2026/180

Naleraq

Jens NapātôK'

Tasiilami eqqaanilu suliffissaaleqinerit annikillissarnissaannut, suliffissaqartitsinissamut, aammalu pilersuinissamut isumannaallisaanissamut Naalakkersuisut iliuusissatut pilersaarummik suliaqaqqullugit peqquneqarnissaannik Inatsisartut aalajangiiffigisassaattut siunnersuut. Iliuusissatut pilersaarut upernaakkut 2027-mi ingerlanneqaleriissaaq.

(Inatsisartunut ilaasortaq Gerth Mikaelson, Naleraq)

Siullermeenera

Inatsisartunut ilaasortaq Gerth Mikaelson, Naleraq Inatsisartut aalajangiiffigisassaattut siunnersuutitut qaakilannut pingaaruteqartumut qujavugut. Siunnersuummullu imatut Naleqqamiit oqaaseqaateqassaagut

Naleqqamiit paatsuugassaangitsumik siulliullugu oqaatigeriissavarput isorliunerusunut politikikkikkut sumiginnagaanarujussuaq annertoqaaq tamannalu siviluallaalersumi isorliunerusunut inissimaffiusimavoq tamannalu sumiginnagaaneq Tasiilamut aamma atuuppoq

Taamaammallu siunnersuuteqartup Naleqqamiit Gerth Mikaelson Tasiilami eqqaanilu suliffissaaleqinerit annikillissarnissaannut, suliffissaqartitsinissamut, aammalu pilersuinissamut isumannaallisaanissamut Naalakkersuisut iliuusissatut pilersaarummik suliaqaqqullugit peqquneqarnissaannik Inatsisartut aalajangiiffigisassaattut siunnersuummik saqqummiussinera Naleqqamiit pissusissamisoortutut isigaarput, taamutullu Iliuusissatut pilersaarut upernaakkut 2027-mi ingerlanneqaleriissasoq siunnersuuteqarnera assut ersarimmat nuannaarutigalutigut ilami ukiorpassuarni aaliangernaveersarluni misissuinerpassuit naammareersut pigagitigit manna iliuseqartoqarnissaa pillugu pilersaarummik malitassamik peqalertariaqarlunnaratta

Politikkikkut isiginngitsuusaaginnarneqarsinnaajuinnaarpoq isorliunerusuni inuerukkiartorneq aammalu suliffissaaleqinerup annertusiartornera Naalakkersuinikkut aqutsinerlunnerup kingunerisaanik kusassarniaannarneqarsinnaajuinnaarpoq iliuseqalersaarnissamik maannakkut isorliunerusunut Naalakkersuinikkut sumiginnaaneq annertoq qimallugu qanoq iliuseqarnissamik pilersaaruteqaannarani iliuseqartaarnissaq piffissanngorpoq.

Piviusormi unaavoq Tasiilami nunaqarfiinilu inuit politikikkut puigugaasugut soqutigineqanngilluinnarlutik misigisimapput taamatullu aamma isorliunerusuni nunaqarfinilu amerlasuuni puigaasutut soqutiineqaratillu misigisimasorpassuannorsimasut amerlapput. Tamannalu Naleqqamiit imaannaangitsutut isigaarput.

Naalackersuisut oqaluttuarput ataatsimoortariaqarpugut, kisiannili taamatut oqalukkarlutik naligiinnginneq annertusiartuinnartoq innuttaasut sineriammi malugisimavaat allaat suliffiit matooraneqarlutik qitiusumut katersuunneqartut isiginnaarpaat. Ilinniarfissanik periarfissat amigaataapput, pilersorneqarneq angallannikkullu pissutsit ajorluinnartut attaveqaatillu ajornerpaat ulluinnarni ajornartorsiutaapput qineqqusaarnermi neriorsuuterpassuit oqaasiinnaaput qanoq iliuseqartorani pissutsit ajorseriaqqittaaginnarput.

Tasiilami ajornartorsiutit suliffissaaleqinerinnaq tunnganngilaq. Aamma ukiorpassuarni politikikkut salliutinneqannginneq, ineriartortitsinermik amigaateqarneq, periarfissakinnerlu pillugit ajornartorsiutaapput. Iliuseqarnaveersaarneq sineriammut soqutigittaanginneruinnanngilaq nunap inuinit sineriammiittunut ataqqinnineruganilu soqutitaalluinnernaruvoq

Taamaammat Naleqqamiit siunnersuuteqartup siunnersuutimini qaqiligaa suliffissaaleqinerinnarput tunngassuteqanngilaq. Siunnersuuteqartup Gerth MikaelSEN Naleraq tikkuartugaa tassaavoq aamma ukiorpassuarni polikkikkut tulleriaarnermi isorliunerusut Tasilaq ilanngullugu tulleriaarnermi salliutinneqannginerat annertummat, ineriartortitsinermik peqataatitsineq amigaataasorujussuummat inuit puigaasimasutut allaat misigisilersimarnerat piummat.

Iliuseqarnaveersaarneq sineriammut soqutigittaanginneruinnanngilaq nunap inuinit sineriammiittunut ataqqinnineruganilu soqutitaalluinnernaruvoq.

Periarfissiosqartaannginnerup kinguenrivaa inuit nuugarnerat, inuusuttut nuugarnerat ilaqutariit siunerissamuæt neriutaaruttarnerat taamatullu innuttaasut ulluinnarni inuuniarnerminni pisariaqarlunnartunik amigaateqarnermminnik toqqissisimajunnaartaarnerat assigiinngitsutigut sunniutarnerat takussaasarput.

Taamatut ukiorpassuarni inissisimasoqaraluartoq Naalackersuisut utikajaartumik takutittuarpaat ineriartortitsinissamik pilersaarusionerarlutik naligiinnerunissamik

siunnerfeqarnerarluitk aammalu ataatsimoortariaqarnertinnik oqaaqqissaarluarlutik, kisannili naak taava iliuusissamik pilersaarutaat?

Naak aningaasaliinerit sooruna taava taakku isanngitsut, naak taava suliffissanik pilersittsinerit siunissamut naak neriuutaalersussanik pilersititsiortornerit? Sooruna isorliunerusut tunulu iliuuseqarfiginiarneqarneri pillugu aningaasaliinaveersaarnert ingerlaqqiinnartajoortut taava?

Naleqqamiit isumarpugut maanan qanoq iliuuseqarnissamut piffissanngortoq oqaatsit neriorsuutit misissuinerillu naammakkunnaarput immikkut ilisimasallit nalilersuiteqqaarlugit aaliangerniartarneq qimallugu nalunaarusioqqaartariaqarnerit qimallugit maanna misissuinerpassuit uningaannarlutik pujoralannik ulikkaarput piunnaarlugit tigussaasumik iliuusissamik pilersaaruteqarluta qanoq iliuuseqarluta timitalersuilertariaqarluinnarpugut.

Iliuusissamik pilersaarut allaffissornikkut suliaannaassanngilaq siunniuteqarani kusassaataannaataasussa. Iliuusissamik pilersaarut tigussaasunik timitalersuilernermik innuttaasunut iluaqutaasussanngorlugu aarlitiffiussasoq Naleqqamiit isumaqarfigaarput.

Naleqaamiit Naalackersuisut makku piaartumik suliaralugit aallartissagaat isumaqarfigaagut:

- Sumiiffimmi ilinniarfinnik pikkorissarfinnilu ingerlatsilernerit
- Aalisarnikkut periarfissat pitsaasumik inerisarneri ingerlanneqalissasut
- Suliffeqarfiit minnerit pitsaanerusemik atugassaqarlutik sinaakkusersorneqarnissaat.
- Angallannikkut assartuinikkut pilersuinikkullu qulakkeerinnittumik piorsaasoqarnissaa ingerlanneqalissasoq.
- Inuussutissarsiornikkut aningaasalersuinerit suliffinnillu pilersititsinissamut periarfissat pitsaasumik sinaakkusersornissaat ingerlanneqalissasut.
- Attaveqaatittigut pitsanngorsaaniisaaq suliaralugu aallartittoqassaaq tassunga ilanngullugu attaveqaasiineq ilanngullugu sulissutigineqarnerata timitalersornissaa ilanngullugu.
- Naggasiutigalugu oqaatigissavarput:
- Tasiilaq aamma isorliunerusut allat nalunaarusianik amerlanerusunik pisariaqartitsinngillat. Neriorsuutunik amerlanerusunik pisariaqartitsinngillat.

- Innuttaasut ukiuni amerlasuuni utaqqereerput.
- Maanna pisariaqartinneqarpoq iliuuseqarneq.
- Suliffissat, inuussutissarsiornikkut periarfissat, ilinniagaqarnissamut periarfissat aammalu pilersorneqarnikkut toqqissisimaneruneq innuttaasut pisinnaatitaaffigaat.
- Isorliunerusut sumiginnarneqarnerat ingerlaannarsinnaajunnaarpoq.

Tasiilaq taamatullu aamma isorliunerusut allat nalunaarusianik amerlanerusunik misissuinernik pisariaqartitsinngillat. Neriorsuutitik amerlanerusunik pisariaqartitsinngillat.

Innuttaasut ukiorpassuarni utaqqisitaanerat puigugaanerat ineriartornissamut peqataatitaannginnerat naammaqaaq maannakkut peqataatinneqarlutik qanoq iliuuseqarnissamut piffissanngorpoq.

Suliffissat, ilinniartitaanikkut periarfissat, pilersorneqarnikkut angallannikkullu periarfissat pitsaasut ineriartortinnissaat innuttaasut nunatsinni sumiikkaluarnilluunniit periarfissaralugillu pisinnaatitaaffigsariaqarpaat sumiluunniit nunatsinni najugaqaralarunik.

Tasiilamut isorliunerusunullu politikikkut sumiginnaaneq puigugaasimanerallu taamatut nipangiinnarluta ingerlaqqissinnaanngilaq taamaammat siunenrsuuteqartup siunnersuutaa pisariaqarluinnartoq ataatsimiititaliami sukumiisumik suliarisassanngorlugu Naleqqamiit ingerlatseqqipparput.